

《語心集》

小序

世事喧然，紛擾難言，胸臆如壅，積久成疾。梅村〈遣悶〉詩云：「欲語不語心彷徨。」故集名曰「語心」，執筆遣懷以寄吾心。情至則言自出，惟求一解心鬱。

詩

1. 〈伴狸奴晝寢，醒時入夜，諸事未成〉

無聊案牘起呻吟，懶對文章感慨深；晝寢狸奴多囁語；春遊孺子有閒心。
貪眠不覺人情惱，畏苦須將酒醞沉；世故黃梁休逐影，何堪月照惹煩襟。

2. 〈見新聞留言作〉

徒名聖哲幾真誠，謬採虛聲老亦爭，碌碌人言心似弩，紛紛筆戰語成兵。
新聞畫虎群官震，網路呼狼百姓驚；怎奈賢奸朋黨意，吁嗟拭目更難清。

3. 〈感時事〉

輿論惶惶盼忘機，真真假假滿彤闈。文章未必談高下，政治從來混是非。
市井流言添感喟，庠曹公議惹歎歎。賢愚善惡皆民主，富貴相逢笑布衣。

4. 〈政局有感〉

都城騷亂幾時休，轉眼如今又一秋；市吏求財失信義，京官翫法顯權謀。
藍天未許飛青鳥，綠髮唯愁見白頭；世事風波無問處，誰能禁語任沉浮？

5. 〈初會詩友〉

郊遊四海意如何，楊柳東風別苦多；寄語詩文同醉墨，清心名利共高歌。
觥籌錯舉須珍重，字句吟哦待琢磨；若故何愁相見晚，從來益友似南柯。

6. 〈擬佳人歌〉

桃紅麗色此佳辰，細柳陽橋又遇春；語笑殘燈枝亂影，心思半醒夢愁人。
三杯薄酒憐詩苦，五指柔荑弄曲新；戲舞纖蘿霾暄染，回眸悵緒嘆風塵。

7. 〈焦慮隨筆〉

少年思緒苦難成，流水殘花雨未晴；悵悵語狂傷往事，可憐心悸憶芳卿。
江湖有夢秋風逝，天地無情白髮生。寂影橫窗空藥罐，何堪淡月映書聲。

8. 〈投稿未過〉

螢屏對望筆難伸，案上書灰夢已塵。不問諸家留客否，人間可值幾銖銀。

9. 〈流浪教師〉

南來北往幾愁人，歲歲年年又一春。放眼江湖何是處？前途漠漠杳無津。

10. 〈學歷難民〉

經綸自許比蘭臺，未得容身且莫哀。懷器難酬嗟子貢，安貧有道羨顏回。

詞（格律皆以謝桃坊《唐宋词譜校正》為準。）

11. 〈湘靈瑟〉

佳人何尋。朝雲晴未深。冷月凝襟。兩難禁。年華逝，幾知音。離愁懶調瑤琴。夢斷誰語心。

〈湘靈瑟〉

平平平平韻平平平仄平韻仄仄平平韻仄平平韻 平平仄句中平平韻平平仄平
平平韻中中平仄平韻

12. 〈兩同心·袞袞諸公〉

新聞晨報，諸子篇章。訴理情、言行無一，論利弊、可泯天良。古如今，假亦真耶，世態炎涼。廿載都付荒唐。誰未癡狂？變法似、當風喬木，持槌若、煮水黃梁。問明日，所食為何？羨煞文盲。

〈兩同心〉

中平平仄句中仄平平韻中仄中讀中平平仄句中中仄讀中仄平平韻中平中句中仄
平平句中仄平平韻 仄中中仄平平韻中仄平平韻仄仄中讀中平中仄句中中仄
讀中仄平平韻中平中句中仄平平句中仄平平韻

13. 〈看花回·休學後記〉

博覽勤研窮論，筆意殘缺。字句但求細究，總一事無成，茫然哀咽。尋棺剖冢，敢問先賢墳下骨。詩此處、境界何如，作者亡矣與誰說。吟笛字、頻添白髮。捻不斷、古今愁絕。殘夢空餘亂影，歲月可饒人？吾已衰歇。七年九載，我亦何曾饒歲月。嘆文章、困虛廢，總是千千結。

〈看花回〉

仄中平中平仄句中仄中平仄韻仄仄仄平仄仄句中仄仄仄平平句平平平仄韻平平仄仄
句中仄平平平仄仄韻平仄仄讀仄仄平平句仄中平仄仄中仄韻 中仄仄讀平平
仄仄韻仄仄仄讀仄平平仄韻平仄平平仄仄句中仄仄仄平中句中中平仄韻中中中
句中仄平平平仄仄韻仄平平讀仄中仄句中仄中平中仄韻

14. 〈賀明朝〉

亂世難憐天下事。憂病慮疾，惶惶無計。民為民也，國終非國，好爭名利。而已而已。少年何苦新亭淚。華髮更慙悲，風雨侵螻蟻。熱寒傷春蕊。流水落花，亦復如是。

〈賀明朝〉

仄仄平平平仄仄韻平仄仄平句中中平仄韻中平中仄句仄平平中句仄中平仄韻平
仄平仄韻 仄平平仄中平仄韻中仄仄中平句平仄中中仄韻仄平平平仄韻平仄
仄平句中仄平仄韻

15. 〈繫裙腰·庸人自擾〉

世間青史記功名。誰知我、懶相爭。隨緣又好凌雲志，躺不平，擺不爛，說不明。俗人自擾多無奈，荒唐事、怎堪聽。且將筆墨胡拋擲，立閒庭，忘閒言，盼閒情。

〈繫裙腰〉

中平中仄仄平平韻平中仄讀仄平平韻平平中仄平平仄句仄平平韻仄平仄句仄平
平韻 仄平仄仄平平仄句中平仄讀仄平平韻仄平中仄平平仄句仄平平韻仄平
平句仄平平韻